



~ 16
3298
3



冊八於
號九文
函九

門八16
號3298
卷3

帶經堂集卷十

歙門人程哲校編

新城王士正貽上

漁洋詩十 辛丑稿

入春中礪第十曲訪愚公谷

已探鴻漸泉遂訪愚公谷名園倚中礪登頓窮九
曲春雨響寒山入門亂飛瀑疊閣瞰迴巒廣池漱
明玉振衣仙的樓憑高放遐矚五湖林際白九峰
雲中綠山陰菩提場名香奉天竺中構甄叔跣堂名
六通宛相屬齋名透迤禮塔坪遙連璨山麓樹作曼
殊花人宜水田服南登肆志臺因憶黃公躅橋名



處迴眺青羊野森疎盡喬木紅梅破珠林叢桂飄
金粟緬懷愚公日精藍此新築清流吐茵席名鬢
間絲肉蕭晨金谷遊薄暮平泉宿風流百年盡電
光一朝促林壑生蠨蛸竹箭任樵牧憑弔問浮雲
榮落如轉轂來者復為誰臨風悲玉鹿

園舊屬顧氏名玉鹿玄丘

第二泉和涪翁韻

春山細雨三人俱藤笈親攜桑苧書縛亭甃石幾
年事至今浣沼噴明珠山人形擢味道腴九鳩不
水將焉如軍持銅鉢此生畢買田即傍芙蓉湖

題春申礧

桃夏遺宮廢章華蔓草生但餘流水意如聽琴

春申礧上

望礧亭邊野望新明流秀嶂碧粼粼青山終古連
秦塢珠履何年問楚人冰雪倒懸三峽水風煙遙
接五湖濱李園已事成荒草太息空祠一愴神

聽松菴

碧山夜來雨孤松鬱蒼質石上流白雲松間拂瑤
瑟

惠山下鄒流綺過訪

雨後明月來照見下山路人語隔谿煙借問停舟處

歸鶴詩為紫陽道人賦

海上有胎禽昂藏聳高格偶爾戲芝田依然避彈射故居近水竹山中多白石華表月明時依稀見歸客

仙山石室歌送丁子

朝望九仙山暮望九仙山九仙秀插碧雲裏五色照曜當天關金光黛色拂雲海勢與三山相向背拂衣丁令邈不還石室寒煙至今在藤蘿作壁石

作扉手種蒼松皆十圍巖香寂寂青桂落雲氣陰陰元鶴飛輞川陸渾不可見鄩杜名園倏更變何如石室千年存猿鶴曾逢昔人面紫陽仙人歸草堂麻姑園客同翱翔琅琊臺畔吾家在北望仙山思故鄉

竹亭梅花盛開因憶元墓之游

荏苒花朝近春寒坐竹亭疎梅香細細曲檻雨冥冥元墓千花白吳煙萬岫青別來今幾日蹤跡付飄零

真江曉發懷古二首

又發真州路江村正薄寒
春愁聞撥櫂往事憶迎
鑾山色經新雨沙痕失
舊灘東風如有意送客上
長干

中原爭戰日五馬渡江秋
幕府開江左琅琊奠石
頭白門空夕照赤岸自
春流又見漁邨柳飛花攪
客愁

江上望青山憶舊二首

揚子秋殘暮雨時
笛聲雁影共迷離
重來三月青山道
一片風帆萬柳絲

長江如練布颿輕
千里連建業城
草長鶯啼花

滿樹江村風物過清明

江行大風作歌

大江浩浩東南流
連山雪浪來將州
英雄千古竟已矣
眼底空悲孫仲謀
鮫室潭潭日將暮
榜人嘯呼出煙霧
擊楫洪流一放吟
風前恐有蛟龍怒

江行

九派來吳會三江下
楚關微茫失瓜步
清切望礬山晚戍
烽臺白春花戰血
斑從來天塹地鐵
鎖至今閒

風便過燕子磯

隔年重過石頭城，悵望危磯百慮縈。
病咏何堪傳樂府，空亭髣髴辨題名。
予去秋題詩磯上丹崖翠壁遙相映，
山柳江梅暖更生。猶是六朝春草色，
萋萋煙雨怨清明。

訪紀伯紫

閒踏春泥著屐來，煙波一曲孝侯臺。
柴門徑僻少人跡，門外野棠花亂開。

題丁翁秦淮水閣

遲日秦淮花氣新，鶯飛草長媚殘春。
流觴往事經寒食，邀笛風流憶晉人。
丁所居在數笛步上白社百年餘故老

青溪幾曲隱閒身，南朝第宅消沉盡。
草閣蕭蕭未厭貧。

題沈朗倩石厓秋柳小景

官柳煙含六代愁，絲絲畏見冶城秋。
無情画裏逢搖落，一夜西風滿石頭。

再題丁翁水閣

風日秦淮好淹留，及暮春樓中花的。
的檻外水粼粼，柳色濃陰合檀痕。
密坐親江山幾興廢，白髮見遺民。

同丁繼之泛秦淮

武定橋邊晚放舟
飛花片片逐迴流
新詩欲賦江潭苑
中酒還登孫楚樓
十里雲霞朱雀暝
二春風雨白門秋
他年小築能相傍
定向秦淮古岸頭

秦淮雜詩二十首

年來腸斷秣陵舟
夢繞秦淮水上樓
十日雨絲風片裏
濃春煙景似殘秋
結綺臨春盡已墟
瓊枝璧月怨何如
惟餘一片青溪水
猶傍南朝江令居
桃葉桃根最有情
琅琊風調舊知名
即看渡口花空發
更有何人打槳迎

三月秦淮新漲遲
千株楊

盡垂絲可憐一樣西

川種不似靈和殿裏時

潮落秦淮春復秋
莫愁好作石城遊
年來愁與春潮滿
不信湖名尚莫愁

清淮微月映湖牀
玉笛悠悠春漏長
下渚偶然三弄罷
步兵終古屬桓郎

青溪水不最清華
王謝烏衣六代誇
不奈更尋江總宅
寒煙已失段侯家

御溝碧水鴨頭新
流入秦淮更幾春
舊苑至今零蔓草
枉將遺事弔隋陳

當年賜第有輝光開國中山異姓王莫問萬春園
舊事朱門草沒大功坊

新歌細字寫冰紈小部君王帶笑看千載秦淮鳴

咽水不應仍恨孔都官宏光時阮司馬常以吳綾作朱
絲闌書燕子箋譜劇進宮中

舊院風流數頓楊梨園往事淚霑裳樽前白髮談

天寶零落人間脫十娘

傳壽清歌沙嫩簫紅牙紫玉夜相邀而今明月空

如水不見青溪長板橋

新月高高夜漏分棗花簾子水沉熏石橋巷口諸

年少解唱當年白練裙

小姑居處本無郎白石青松可斲腸便使仙人逢

玉斧已無西浦杜蘭香

緩鬢愁妝別樣新文殊省映午痕勻洛成不用輕

梳掠自有文犀號辟塵舊院盛時競
尚密犀簪也

玉牕清曉拂多羅處處憑欄更踏歌盡日凝妝明

鏡裏水晶簾影映橫波

北里新詞那易聞欲乘秋水問湘君傳來好句紅

鸚鵡今日青谿有范雲雲字雙玉有紅
鸚鵡詩最佳

舊事南朝劇可憐至今風俗鬪嬋娟秦淮絲肉中

宵發玉律拋殘作笛鈿

十里清淮水蔚藍板橋斜日柳毵毵棲鴉流水空
 蕭瑟不見題詩暨阿男男有秋柳句云棲鴉流水點秋光
 西曲吳歌子夜聲齊梁舊部可憐生如何北地燧
 煌樂一夜流傳滿石城

贈林翁茂之

一月淹留邀笛步泥滑天陰春欲暮山人忽自乳
 山來芒屨訪我青谿路愛君坐君朝爽閣敘述同
 游慨今昨早年曾賦槌鼓行東海屠君許述作赤
 鼓山高會瞰雲海摻搯壯氣相噴薄霜山三弄悄
 無聲廣場萬人色寂寞屠公揮搥下千仞眼底衣

冠殊落落直前握手頷林生少年為我試盤礴酒
 酣落筆驚四筵從此聲名動京洛吉祥寺裏梅花
 時名流裙屐相攀追澹園老人典型古弱錦帆仙
 令風骨奇郎即今轉盼六十載古寺荒涼空斷碑
 焦素墓木已成拱夢中猶記共論詩壯歲遠遊過
 碣石雅與鍾王共晨夕伯敬西極夫子文太青談
 鋒如弩左右射欲往太華尋玉井更上天門探寶
 冊濯髮趵突之飛泉近在君家海東宅舊游彫謝
 歸江東三山舊業圖書空華林宮殿盡禾黍望仙
 樓閣成飛蓬以此感歎歸乳山山中土美多甘泉

三
五
七
漁
洋
詩
卷
十
八
修竹森梢透泉側四山環抱皆雲烟老妻已歿葬
于此便作生壙終殘年山中藤子幹如鐵斲之作
杖老且堅老夫提攜便登陟窮厓絕壑能攀緣十
年不復入城市著書盈萬藏山巔故人零落畏開
卷新知寥闊誰復憐感君斯言動慷慨滄海三變
成桑田中朝名士晨星盡監門老子空豪賢松蘿
石骨自磊砢洪厓負局應拍肩恨不相從乳山裏
汲泉採藥雲中眠

長干寺

門外長干道林端鍾阜雲浮圖插霄漢臨眺絕人

羣宮闕秋聲合滄江曉勢分高臺元咫尺花雨日
氤氳

木末亭作

曉登木末亭南望新林浦煙嵐紛四圍三山渺何
許旭日麗飛甍雲物媚晴澈風景在江山離宮半
禾黍顧瞻金川門悲來不能語惟餘博士祠正氣
留終古

登木末亭拜方正學先生墓

石子岡頭木末亭振衣千仞攬青冥遙看江色紫
新練迴眺山光列翠屏古墓松杉悲靖難高臺花

雨罷談經未須憑弔傷今昔且繫長干雙玉辮

長干絕句四首

高樓夾淮水十里盡朱欄春蘭一花發香徧小長

干

欲向長干寺還登木末亭雲中一江白煙際萬峰

青

繡閣隱芙蓉屏掩瀟湘綠少小住長干解唱長干

曲

三月襄陽去音書好寄將江潮不相負朝夕到橫

塘

仙人洞訪無用和尚

落帆草屨夾尋路入山谿寂寂仙人洞迢迢翠靄
西老僧坐深闌猿鳥絕攀躋晚食炊楓葉名衣翦
稻畦門前楚江淨座下嶽雲低相對離言說依依
去思迷

守風燕子磯

刁騷夜雨打吳榜三日南風燕子磯安得滄波如
匹練便乘輕舸去翻飛長江巨石想飛動漁燈戍
鼓相因依棲霞咫尺不能到白下古城春又歸

江上

水餐復水宿淹留更何事暮雨楚江邊人歸草堂寺

燕子磯阻風寄丁繼之四首

醉別冶城花醒見棲霞樹浦口晚潮生江天數帆暮

十日秦淮水聞歌敞綺櫳流連江上別多謝石尤風

西下建康舟揚舲去安極惆悵江干人朝朝看風色

客向秦淮去春波雙鯉魚知過邀笛步為寄數行

書

登觀音閣眺望

幕府山頭晚吹涼登高望遠極蒼茫濛濛夕照開棠邑葉葉風帆下建康畫閣臨江飛鳥外丹崖拔地暮雲旁娑羅花發香林淨坐聽微鐘出上方

大風渡江四首

鑿翠流丹杳靄間銀濤雪浪急潺湲布帆十尺如飛鳥卧看金陵兩岸山

紅襟雙燕掠波輕夾岸飛花細浪生南北船過不得語風帆一霎剪江行

幕府山前三日留老僧相見石門秋今朝回首江南望無數雲煙在上頭

連山噴雪浪嗟峨片片乘流竹箭過憶昨傷春三月暮江東門外柳枝多

清明曲

花朝節後雨如麻寶障河邊水似紗十二紅欄捲珠箔滿城香送玉蘭花
燕子初飛春社時隋皇故苑裊烟絲北方風物南中少不見秋千雙畫旗

答趙友沂長沙書

洞庭木葉眇愁予龜策從誰問卜居上巳一春風雨夢瀟湘三月故人書零陵水遠多香草澧浦情深贈揭車莫評凌雲舊詞賦文園淪落病相如

題余氏女子繡浣紗洛神圖二首

溪水粼粼見浣紗苧蘿春色玉人家絲絲繡出芙蓉怨碧石清江是若耶

明珠翠羽魏宮妝洛水微波渺正長欲寫陳王舊時恨唾絨兼做十三行

鶴柴新成

修竹陰陰白鶴歸一聲清唳露霏微何年得訪浮

三十一
邱去御爾真凌碧落飛

劉郡丞餉鮓魚歌

江南四月櫻桃紅筍芽出土千萬叢江村漁具中
流集銀鱗撥刺網不空截流布網金山側一尺霜
腴數金直感君匕箸不相忘遠自江南寄江北

午日觀競渡寄懷家兄兼答辟疆感舊之作
風景蕪城畫扇時輕陰漠漠柳絲絲三年京雒無
消息五日江鄉有夢思空對魚龍懷楚俗誰將蘓
芷薦湘纍故人不見東臯子騷些吟成但益悲

龍舟曲二首

越王舊事盛隋堤歲歲龍舟簇仗齊
映水酒船飛送玉東西

楚俗空傳在廣陵沉湘哀怨漫相仍
眼前咫尺梅花嶺誰與招魂薦郢冰

寄素翁籜菴

謝傅登冶城本自高世姿君家冶城下手把梅花
枝我客青溪隔桃葉聞君高咏梅花詩石厓秋柳
那見賞令我惆悵東風時

素賦梅花詩甚工予偶和石厓秋柳絕句素于便面見之

亦極
嗟賞

端午後二日渡江三首

南徐煙柳正堪攀岸闊潮平一霎間忽見船牕移
塔影披衣急起看金山

中郎遺贊焦山石況有華陽逸少書斟酌三山吾
老矣定從處士卜蝸廬

京口三山刺眼青褰裳濡足昔曾經飄飄何處凌
雲意試上荀郎舊日亭

京口遇季霖北歸

爾向錢塘去怱怱那便迴西陵詩繾綣北固望徘徊
徂返照人煙集樵風戍鼓催心悲千里別回首妙
高臺

潤州寄張公選考功程崐崙別駕

天塹橫分吳楚長臨流百感集茫茫人馮水閣收
殘雨山隱江光淡夕陽祠近佛狸曾弔古愁如洗
馬自神傷年年枕上雙峰影舊約金焦未敢忘

江上有懷

江流淡無際塔影挂晴空川歇西津雨山明北固
虹紫顙銷霸業錦里颯寒蓬千古魚龍宅鐘聲出
梵宮

帶經堂集卷十

一五九

帶經堂集卷十一

歙門人程哲校編

新城王士正貽上

漁洋詩十一

辛丑稿

揚子江上懷友鴻滇南

宿雨初晴楊柳津南徐風日競鮮新五州霽色浮
揚子六管蠻煙憶故人江過盤龍誰設險山迴金
馬舊多神虛疑博望乘槎去目斷昆明又幾春

登瓜洲大觀樓見月懷西樵

帆影落瓜洲高城四望秋迴颼聞玉笛涼月滿江
樓清切三山影流光萬里愁有懷謝希逸江左思

悠悠

舟次懷爾成從兄蜀中二首

江下岷峩雪浪平秣陵西望旅魂驚
離心已畏瞿塘險更去牂牁萬里程

憶共吟詩西射堂青天蜀道兩茫茫
廣陵未遠巴

江水朝夕春潮到蜀岡

蜀岡在揚州西北誌云水與蜀通故名

題雪舫

畫檻文牕窈窕成浮家泛宅去來輕
行隨江樹陰涼遍坐覺炎天冰雪生
鷓鴣鳧鷖遙共浴蘅芳蘭杜解相迎
老當置汝金焦裏醉喚南宮倒載行

遙望玉山寺二首

遙望玉山寺帆檣如芒檉南風有底急
朝暮使潮生

遙望玉山寺石壁峭千尋客帆衝險過
鳥影入江深

寄鄧尉剖石道人

最難忘處還元閣坐卧層巒疊嶂圍
修竹萬竿陰講席梅花千片點僧衣
洞庭煙雨春如夢笠澤漁蓑晚竟違
終作都維那弟子一瓢一鉢遠峰歸

憶虎邱鶴澗

清遠道士養鶴處人去亭空鶴不飛千古清冷一
勺水至今猶浸白蓮磯昔遊曾記仙靈語奇絕白
雲蒨欲歸白雲蒨欲歸青松忽消半清遠道士詩也

答繼起道人寄虎邱志

吾家短簿東西宅今是生公祇樹林頑石解通三
昧義維那照徹九州心春波鶴澗曾相憶暮雨琴
臺渺未尋方外勞君寄消息青鞵東望旅情深

答李民部鄧尉見懷二首

盤螭山下春帆凍千樹梅花雨雪時君到題名帥
子窟却從江北寄相思

楓橋夜雨催船鼓元墓春風著地花別後夢魂常
繫此吳雲楚樹渺天涯

和家兄無題詩

底事關心不自持閒情終日遣相思屏張瑤瑁橫
波後鏡挂珊瑚絃額時錦水文魚名比目衛羅靈
鳳號長離與卿一作盤塘別明月青谿有夢知

送孔祠部出守金華

別君春水上孤櫂去東陽五月雙谿路雲山入越
長相思隔南北清咏憶齊梁玄暢樓中客新題好
寄將

送邱曙戒侍講謫判瓊州兼寄姚子上推官

二首

學士文章洛下尊，嶺南此別愴離魂。
舟浮瓊海千重浪，春到黎人第幾村。
瑤瑁城中閒卧閣，枕椰菴畔急啼猿。
相逢寄語江陵子，放跡珠厓是主恩。
雪中送我廣陵城，東閣梅花彩筆生。
何意西清還罷直，正逢南粵乍銷兵。
珠娘襪裏蠻歌細，黎母香中瘴雨晴。
海外山川遙待汝，千秋文筆兩端明。

揚州曙戒作東閣梅花行贈別

家兄恭奉

世祖章皇帝尊謚詔使山西寄懷一首

世祖神靈遠，春官謚議崇。
天書下霄漢，使節入雲中。
詩記唐風古，山看代郡雄。
諸侯虔負弩，父老哭遺弓。
絳水河津塞，青城避暑宮。
塞帷過趙魏，作賦倚崆峒。
成禮汾陽郭，還原岱嶽東。
舞衣萊子舊，懷橘陸生同。
東閣梅先落，西堂草正叢。
錦湖足鱸膾，隋苑湛江楓。
北望三千里，離心託雁鴻。

送榮洞門奉 詔福建

親捧天書近御墀，皇華遙下百蠻知。
舟經越水文石人及楓亭薦荔支，漳浦戈船方下瀨，閩

三十一
漁洋詩卷十一
物好探奇輶車若問丹青閣九曲還應到武夷

送家兄子側歸里同舟至淮陰即次有作六

首

菰蒲獵獵水悠悠溪閣迴橋覆亂流風物滿前吟
不得淮南江北送歸舟

帆影已辭瓜步樹人家漸近甌湖煙別來好記聞
鶯地八寶城西是白田

前程畏說近淮陰無那風帆去不禁今夜舵樓聞
玉笛清淮真與淚痕深

共賦寒山寺裏詩故園兄弟軫離思那堪握手淮

陰驛却憶寒山夜雨時

曾攜雙屐問三山潑墨江樓落照間拂袖却愁東
路遠蟬聲孤驛穆陵關

回首殘春白下行江村桃柳作清明歸來獨聽鑾
江雨一夜愁絲兩鬢生

清江浦與子側別後作三首

弭櫂指江浦北見黃河流黃河去蒼茫落日風颼
颼一望腸百結况君遠行游驪駒宛已駕榜人具
行舟此去量難挽且願須臾留寸心千萬端欲語
中若抽攬衣一再拜涕下不可收隕涕復相送

渚暫夷猶光景不我待
 崦嵫倏已邁忍淚竟揮手
 佇立望遙洲仰視中林鳥
 哀鳴聲相求與君本一
 身形影為匹儔少小同
 寢食彈指三十秋兄年三十子亦二十
 矣有八豈知更世故中各悲
 沉浮君去指錦湖我歸返
 揚州音旨日已遙川涂日
 已修昨者韓侯臺傷離
 共寒篝今日如夢寐得似
 昨日不我心與清川終
 古同悠悠弟兄譬手足人
 命如蜉蝣何為苦別離
 悵矣行歸休

黃河東北岸是向鍾吾道
 鍾吾何茫茫連天盡衰
 草念君舍我去展轉傷懷
 抱落日野煙昏古戍荒
 雞早知君念我心晨夕常
 繚紉回首楚天長悠悠
 託飛鳥憶我嬰危疾沈憂
 怒如擣喜君千里來相
 思乍傾倒愁病霍然已復
 得顏色好聚首歷冬春
 對牀浹昏曉麟洞共題名
 虎邱展游眺為歡不及
 歲往迹去如埽君歸慰慈
 親北堂稱壽考我獨滯
 江淮形容日枯槁人生重
 兄弟友于以為寶三復
 鵲鶴詩車輪腹中遶別離
 如茹荼仕宦真集蓼何
 如學耦耕貧居以終老
 使從河北來得君別後書
 封題淚痕滿腸斷當何
 如書中三百字字字心盤
 紆祝我加餐飯念我多

病軀寄我河梁詩未讀先歎歎首尾數百言言盡
思有餘反覆一唱歎灑血霑衣裾氣結不得語思
鬱不能舒古人亦有言同心而離居憂傷以終老
疾疾何由除

茱萸灣懷家兄

雨歇茱萸灣返照村墟夕淮水去悠悠何處還山
客

許雙峒重建太白樓於采石遙寄

常懷牛渚西江夜回首開元去不留天上已歸宮
錦客人間何處謫仙樓使君登眺能懷古江閣風

煙迴散愁遙憶蛾眉亭上月何時鯨背醉高秋

竹枝二首

朝從明鏡拂菱花暮向平湖指落霞十扇畫船如
屋裏金釵澗上是儂家

浮家紅杜泛江離金屋藏嬌總未知生近石帆山
下住十三嫁與弄潮兒

沈家渡晚泊憶子側已至宿遷

忽見長川新月明泊舟又近海陵城行人今夜鍾
吾驛愁聽黃河萬里聲

寄嚴州

秋水初波枕畔流欲將情思寄嚴州京江斷鴈隨
人遠杜曲濃花入夢愁夜雨回眸留傳粉清晨中
酒看梳頭富春此去千餘里何處天邊風露樓

登舟

十里雲霞色城隅晚放船江城明落照漁浦颯風
烟玉鏡遙相映金沙劇可憐數行隋苑柳蕭瑟入
秋天

初秋舟中作

官舫垂簾雜夕薰自將吟卷對鷗羣年來喜有樵
青侶不用旁人識使君

宜陵

寥落青蕪晚進船明霞起處水生煙斷雲斜日宜
陵道一路臨風聽暮蟬

排悶

學劍學書都未成行年三十一狂傖孤蓬聽雨江
南岸駿馬追風代北城文社酒徒曾浪迹山村水
寺徧題名前身憶是維摩詰洗鉢還應過此生

夜別彤臣却寄

白沙江上獨揚舲風物依稀入杳冥十里銀河連
積水三更螢火亂繁星清樽牢落愁中沉錦瑟清

迷別後聽憶爾中朝舊驄馬相思好記竹西亭

懷洞門入閩

七夕涼風吹客顏仙霞嶺外度重關桂花欲黃榕
葉碧思君夢遶江郎山

舟次二首

鳴蟬出深樹飛鷗向前浦何處插秧人柳陰來擊
鼓
船牕不見日演漾出菰蒲歸牛脫羈鞅時過烟中
墟

新城舟中

風色汀蘭靡川涂遠樹晴陂塘非一曲水竹亦
縈浙浙樵風起蕭蕭水鶴鳴煙浮葭菼密日入石
潭清芳序過休夏滄浪愛濯纓蕭晨辭板渚斜景
辨江城山近迎鑿碧潮連建業生賞心肆遐矚攬
物悅幽情眺聽臨秋迴雲帆拂鏡平朱陽三百里
好爲訪茅盈

梁家灣即事二首

白舫青簾聽櫂歌真州斜日暮蟬多幽人拂簟攤
詩卷童子臨流折芰荷宛轉迴塘浮畫舸檀欒修
竹映蒼波過江山色佳如此曾記清秋到薜蘿

日下林塘夕氣清
霏霏煙照遠村明
落帆幾點連鴉色
漁網千羣亂櫂聲
赤岸揚舡如昨日
青山卜宅負平生
山人少日能吳咏
且櫂扁舟載酒行

真州道中絕句二首

返照在船頭
新月出船尾
玉沙何粼粼
清暉滿葦葦
河漢有風露
夜涼川上秋
幽人攬明月
一櫂下清流

真州城南作

真州城南天下稀
人家終日在清暉
長橋漁浦晚

潮落曲港叢祠水
鶴飛新月初黃映
江出遠山一碧送
船歸白沙洲上樓
臺靜好與提壺坐
翠微

真州南郭泛舟

出郭江山好
行吟步履斜
稻苗香積水
竹葉隱漁家
遙見江南樹
時逢洞口花
挈舟新月上
直至長風沙

坐容園山洞青若因言義興張公洞之勝

壘石依江郭
修篁五月涼
盤迴入靈洞
窈窕度飛梁
空響沙湍集
微颺石燕翔
因思離墨勝
遙指善卷鄉
地肺通幽闥
仙蹤叩渺茫
何時具區上
及爾

三十三
見銀房

題二冒子詩卷兼寄辟疆四首

桃葉山前秋復春金陵往事已成塵當年廚顧東
京客零落如君有幾人

林塘自闢小三五聲叟風流得似無歷歷酒徒坐
洲島便教題作石魚湖

扁舟萬里獨探奇南紀浮湘到九疑邱壑胸中君

自有柳州文筆謝公詩

辟疆刻康樂游山詩柳
州永柳小記皆自評注

伯子才華庾鮑同中郎獨步擅江東開來尺許新
吟卷要使狂奴拜下風

秋夜舟中和吳四玉隨四首

林塘三日清言罷忽共牽舟東渡頭半醉題詩向
明月微波風露入新秋

鳴壚斜日森碧篠人影參差曲澗頭頃刻疾書兩
丸墨山蟬墮樹數聲秋

翰林兄弟皆名士南隱山連北隱頭及第紅綾分
餅日閉門黃葉著書秋

鏡籬亭子好明月近在白沙江上頭有約城南竟
相負方山羅綺不禁秋

為辟疆書事同玉隨四首

公子游龍賦名家射雉場秦樓人自媚隋苑草新
芳暮雨方離合微波竟渺茫謝郎無限恨簫鼓嫁
文鴛

但得人如月寧論餅計金可憐分鈿合元不解琴
心烏鰂書難定黃龍誓莫尋秋來螢苑裏愁絕女
郎砧

秦淮河上水遙向莫愁湖密意雙針縷新歡十斛
珠神人虛解珮絕代失當壚便作人間恨羅敷自
有夫

不返空成憶無雙始繫情香奩零粉在錦瑟暗塵

生水綠江潭苑花飛白下城哀蟬將落葉此怨幾

時平此首專為
董少君也

七夕二首

吾家王子好吹笙七日緱山來下迎仙路已昇白
鶴馭人間長憶鳳凰鳴却思嵩嶽無消息欲把浮
邱隔太清明日江頭看句曲好尋丹竈謝浮名
十里銀河乞巧樓揚州風露碧雲秋家家少婦明
星酒紈扇驚心向女牛

真州即事

夕陽沉沉水增綠萍花柳花相斷續十尺長橋八

幅舟人家何似青谿曲

大觀樓新成二首

如練江光照素秋層城縹緲見飛樓披襟欲攬三
山色濯足真臨萬里流帆出雲中開島嶼人從鶴
背俯滄洲冷然竟日能忘返蠟屐何妨續勝游
白蘋洲上望南徐高閣如霞切太虛江左名流能
坐嘯玉京仙子好樓居吳王城郭秋風裏楚塞帆
檣落日餘更向夜涼彈寶瑟三山空翠滿衣裾

再答胡端孩長沙書

嶺表音書闊湘江驛使稀春風斑竹長暮雨鷓鴣

飛地溼官仍拙時清願豈違那能衝瘴癘十月夜

郎歸時歸自黔中

閏七夕海陵北郭有懷家兄二首

臨秋水增綠向夕景微涼卷幔層城外停橈嘉樹
旁坐深魚鳥興行惜蕙蘭芳太息鳴蜩晚能令楚
客傷

流螢尚深照靈鵲復重過雲水懷人遠江山秋思
多涼宵鑿華月幽怨向明河遙憶橫汾曲西風揚

素波時奉使山右

秋日昭陽道中二首

二五十一
荷葉未殘皆著水楓林初脫尚含煙西風北去昭陽路處處竹枝聲可憐
中流曉日見帆影夾岸垂楊多釣磯一路漁村好風景神鴉欲落白鷗飛

南曹橋

十日湖頭賣蓮子不知菡萏尚能花南曹橋畔田田路舟入香風一道斜

昭陽舟中讀閨秀徐幼芬遺詩因寄李季子

二首

昭陽北望景依依江柳微黃燕鴈飛空憶謝家才

調美青絲曾解小郎圍

自來學得謝公綦博士風流幼婦詞未免有情看不得橋南荀令斷腸詩

幼芬七歲能與父弈

題李氏曼園水亭二首

君家亭榭好漁浦在亭中朝夕登臨意邈然江海同當杯上明月送客起樵風疑有秦人在言從世外逢

苔蘚山邊路玲瓏巖洞深朱華低冒水碧竹散成林香積梅檀氣溪流鐘磬音維摩猶示疾方丈一

披襟

園有苔蘚山

百花洲上拜宗方城祠二首

懷古城南路輕舸溯碧流典刑一茅屋風物百花洲
野渡神鴉集西風苦竹愁斯人如旦暮三歎獨淹留

跌蕩黃初彥名高著作庭風塵多怨慕江海颯飄零
大筆留淮海仙蹤寄幔亭斯文吾後死惆悵下煙汀

九日懷西樵先生

西風使節渡河汾故國鴻書杳未聞瓜步素波初
嫋嫋蕪城黃葉已紛紛東籬花發空殘照北固樓

高祇暮雲今日隋堤見楊柳弟兄不見感離羣

九日風雨往淮陰舟中懷珍示不雕我建元

式正求齋若歸吳中二首

泥滑天陰廿四橋一帆送汝過金焦維摩樓畔飛
寒鴈伍相江頭落暮潮別路茱萸灣漠漠打船楓
葉雨瀟瀟劇憐佳日翻成別臨水登山思轉遙
滿庭黃菊雨初寒送遠悲秋強盡歡祖道莫辭吳
苑酒江流遙挂楚雲端雞臺花冷人離別鶴市煙
深路渺漫此去南徐經北顧宋公遊處更南看

舟中桂花盛開感賦

去秋鎖院秦淮裏桂子香飄月如水
今秋船泊楚江涯開徧船牕金桂花
秋去秋來渺何許歲歲年年滯江浦
招隱歌殘人未歸西風坐厭淮南雨

帶經堂集卷十一

帶經堂集卷十二

歙門人程哲校編
新城王士正貽上

漁洋詩十二

辛丑稿

晉唐劉商秋夜聽巴童唱竹枝歌輒行其意
作四絕句傳之好事者

白鹽山下虎蹄新笠子蓑衣穩稱身
朝見行雲暮行雨峽中三月杜鵑春

綠蕪千里水連天雲裏依稀下峽船
斲鴈冷爔齊淚落巴東何處有人煙

儂家住處是三巴身寄秦關夢到家
阿母縫衣今

又綻三年不見木棉花

雁鴻歲歲向南飛作底巴渝書信稀身是巴人甘
楚俗每看鴈去一露衣

和吳淵穎題錢舜舉張麗華侍女汲井圖

景陽樓上鐘聲止結綺閣中美人起百花溼露啼
宮鴉鹿盧曉汲銀河水黃奴慵起倚隱囊瓊枝鏤
月交輝光貴人夾坐詩先就狎客擘牋歡未央玉
樹歌闌方豔媚桃葉山前陳鐵騎青龍飛出建陽
門羣鳥空呼奈何帝可憐拂檻曉粧時入井倉皇
那得知千載畫圖猶省識石欄紅淚黦胭脂

和吳淵穎題袁子仁巴船出峽圖

桃花夜泛三川水蜀中估船日千里錦官城外指
東吳萬里行當自茲始金牛玉壘朝天開朝雲突
兀瞿唐堆飛流一瞬下萬仞長年屏息顏如灰峽
中無人但煙霧村宇聲悲客行處巴巫迎神歌竹
枝忽見雲安郭邊樹上峽懸槿下安流東風吹送
江陵舟却從一幅鵝溪上髣髴三刀夢益州

天寧寺

黃葉城東寺閒將坐具來談禪松子落留客竹園
開幾日過休夏何年見渡杯相逢有都講初地

徘徊

畫荔支

以下十六首為周櫟園司農題雜畫冊

愛道天南五月時側生作實正離離今宵畫裏分明見飽向楓亭擘荔支

江城雪景圖

曉寒生朔吹密雪覆江城水閣家家掩扁舟何處行

程端伯畫

憶向蟠螭山下過虎橋松畔暫停舟依稀光福雲中壩春雨新添上崦流

陳洪綬水仙竹二首

清泠池畔梁園種奈此生綃素影何更寫東阿舊時恨芝田館外見凌波
瓊瓏疎影玉繽紛比似江梅迴不羣特向蒼梧分一本淚痕斑處伴湘君

葉欣畫

秋山高不極草閣煙深處紅樹覆驚湍青松蔭枉路欲訪山中人前溪幾迴度

程端伯畫

琴中賀若誰能解詩裏淵明子細尋古木蒼山數

二方字
漁洋詩卷三
茅屋青溪遺老歲寒心

趙澄烟雨行旅圖

烟雨千山合行人何處歸前途望不極雲氣溼征衣

陳涉江畫

絕壁亭亭瀑布分諸峰欲雨氣氤氳遙看一片蒼茫裏惟有孤松和白雲

劉度仿李迪畫

清谿當谷口石徑入寒林晚向前峰去溪流應更深

樊圻畫二首

初地離人境千松繞寺門前山飛鳥處鐘磬自朝昏疑有豐干住繩牀虎跡存何時行脚去台宕息諸喧

蘆荻無花秋水長澹雲微雨似瀟湘鴈聲搖落孤舟遠何處青山是岳陽

葉欣畫

偶來獨立碧谿頭石磴茅亭白日幽風雨欲來山欲暝萬松陰裏颯寒流

施霖畫

叢篠陰中破竹廊四圍山色鬱蒼蒼道人閒即支
牕坐坐愛青溪白日長

出峽圖

偶寫西陵路如聞三峽流亂山千萬疊何處是夔
州

李妃瞻畫

君家涇水陽終南在當面紫閣與皇陂宛向圖中
見

贈鶴歌與汪苔文

年來買得青田鶴飲啄蕭然尚官閣三疊琴中素

雪飛一聲夜半清霜落主人本自江海情對爾襟
期放寥廓太湖隱者浮邱公忽乞籠歸伴寂寞高
致寧謀鴈鷺餐新知況有丘樊樂寒雨橫江晚喚
時相思應寄梁園作

送苔文歸蘇州

相逢草草去匆匆悵望南檣路幾重明發便看京
口樹殘宵同惜廣陵鐘風前鴈影愁千里杖底梅
花踏萬峰問評鄧侯無恙否曇西煙水擬相從

楊枝紫雲曲戲代其年二首

名園一樹綠楊枝眠起東風踠地垂憶向灞陵三

月見飛花如雪颭輕絲

黃金屈膝玉交杯坐燼銀河葉上灰法曲只從天

上得人間那識紫雲迴

催粧詩為吧瞻作二首

楊柳江潭曲絲絲劇可憐神人如洛浦公子本秦

川夢緩銀篝裏春酥玉鏡前欲知雙意合常似博

山煙

儂住青溪岸新歡白石郎魂銷三閣曲水學九迴

腸徐庾輕華體齊梁淺淡妝春來雙燕子先列莫

愁堂

董公祠

董公祠廟已荒涼憑弔西京意倍傷漫以園陵勞

主父祇將經術奉驕王時逢明主身空老志在春

秋道正長我自愛傳繁露學玉杯曾問廣川鄉

歲暮懷人絕句三十二首

老去青溪丁繼之秦淮水閣照花枝曾同翦燭談

天寶一夜吳霜點鬢絲

丁布衣

方今才子數平陽睥睨千秋不可當攜我衙齋一

雙鶴罷官長嘯洞庭旁

汪比部

昨日人傳潁川死不禁淚向汝南枯今朝雪苑逢

人說意氣依然向酒壚

聞劉比部體仁死近訪之彭君云公年秋見之歸德携妓豪飲如故也

忽夢鄔陵梁御史

熙

相逢似在大梁城談禪頌酒

猶能邠側望中原無限情

南海翩翩程舍人

則可

乘軺東過嶧湖濱新詩憶我

湖亭上歷下山川為汝新

乳山老人年九十龐眉訪我秣陵城神光人物晨

星在却遣前賢避後生

林翁古度在金陵窮甚年九十矣

風流文采推彭十

孫

宮體新詞徐庾前聞向金臺

蕉萃絕誰同碣石更談天

送汝玉山歸草堂焚魚學士太顛狂尊前莫話

先皇事灑向江湖淚萬行

葉維修方伯詞

哲兄擁傳太行東題詩萬字飛龍宮傳來奇氣動

江表不與時流粉黛同

家兄奉使山右有飛龍宮詩最奇

廣平申大今詞傑

光

未識容顏眼便青遠寄新詩

向隋苑懷人偏在竹西亭

閩中奇士徐延壽欲向湘南賦卜居此去相逢紀

伯子道予問評今何如

鍾

謝郎玉樹應非舊唐觀瓊花半已凋今日相逢如

夢寐禪牀歌板雨蕭蕭

丁景呂宏誨往贈予詩云風神欺玉樹逸興問瓊花今相見揚州如夢中

耳事

風塵憔悴趙黃門美進嶺表遷移役夢魂昨見端州
書一紙說詩真欲倒河源

日華宮址蔓寒煙雅樂消沉絕可憐今日李郎行

部去風流家世本秦川李吧瞻念慈

敬亭山色謝公樓春穀溪邊水閣幽忽憶朱幡江

上去潯陽九派不同流施參議閨章

西南諸國滇為大六詔新開棘道平應憶松江蓴

菜好却將老眼看昆明張友鴻一鳴

徃歲奢寅覆兵卒至今兵氣水西寒許生善病耽

高臥蠻府參軍道路難許竹隱

平山堂邊修禊日鳴嶮洞畔把杯時南譙病客歎

崎甚為我揮豪醉不辭吳編修國對

遺我閩詩鄭善夫憑凌騷雅謝枝梧荔支香色君

須說却擢霜蓬甌社湖榮洞門歸自閩

籍籍蘭陵四才子陳黃鄒董各名家難忘雪夜吳

兒曲簷角寒梅正作花陳秀才維崧黃比部永鄒進士祇謨董秀才以寧昔夜雪同飲訂士

宅觀劇也

吾家給事北山耽吟事西掖拋書夢白雲抗疏已凌

霄漢上況看彩筆更紛紜

許秘送窮邗水上方文抱甕冶城西雞籠山畔茶

三才
卷十一
村老杜零落才名灌藥畦

侍御平生左氏癖閉門日讀春秋經偶然按部西

江上詩滿廬山九疊屏傅彤臣辰

平生師友古人心不似盱江風義深閒向白蓮尋

舊社門生籃輦過東林楊集虛目升為南康教授

鴛湖春至水波明遙憶美人千里情白袷風流誰

不羨一朝懷古漢王城曾道扶王孫

清泉芳樹任城水柳惲文詞世所知太息楊生今

宿草南池風景古今悲柳公深煮楊聖直通久楊汝踰年矣

花時曾過九龍山第二泉邊挹妙顏讀我新詩

泉水道鄉祠下古松間劉流綺

余山山人不出山高情真與白雲閒當年入洛常

驚座說劍縱橫則日間吳布衣懋謙

焦獲奇人孫豹人蔚枝新詩雅健出風塵王窗不見

陶潛迹端木寧知原憲貧

吾家兄弟烏衣舊阿大中郎各擅名蹤跡飄蓬半

南北獨憐仲子汶陽耕叔兄子側南來仲兄禮吉在里中

九仙仙人丁野鶴挂冠仍作武夷遊齊名當日邱

靈鞠藜骨青山向幾秋丁惠安耀亢邱謂高要石常也

而水旁邊昔結廬七年骯髒困泥塗乾時戰處多

三五五
荒壘不用悲歌弔望諸

于回狂維世赤
山覺世兄弟

寄答茗文吳中書二首

光福鎮前白鶴飛
菴東崦西雨霏微
舊遊正及梅花發
憶爾漁陽桑葉稀
三載漫求方朔米
此行真息漢陰機
烽煙滿地憂租稅
石室金庭少是非
夫君蟬蛻辭軒冕
徑欲石公山下居
秋晚洞庭收橘實
月明震澤釣鱸魚
直從角里尋真隱
莫問明庭有薦書
抗跡何妨五湖長
由來名士半樵漁

送陳大其年歸宜興

雪霰毗陵道
煙霞陽羨天
山從洞庭起
水與貢湖

連陳子青雲
客巖居傍善卷
那能乘白鶴
及爾御風煙

送涓來侍讀歸楚二首

送君遊九華
婀娜江帆起
一聞秋浦猿
淚滴池陽水

解纜銅陵江
是向黃州路
不見雪堂人
江關遼煙樹

家兄奉使山右寄新詩至感懷

西望河汾秋氣繁
寄詩猶及鴈南翻
江淮水落思千里
苦竹寒蘆何處村

冬日登海陵德香閣

檻外紅梅初吐萼千枝萬朵壓簷低淮南斜日登
高閣目極寒蕪雪漲溪

詎菴言河北遇駿孫悵然有懷

三載夢鹽官相思寄蕙蘭何時過瓜步幾日向長
安已慮山東盜仍愁薊北寒君門猶萬里嗟爾路
塗難

懷夢沙

憶汝經年病稀看尺素來早梅逢鄧尉春草夢銅
臺賦稅時方急風騷道未夷中原正戎馬能得幾

銜杯

頻歲

頻歲孫恩亂颶檣壓海頭傳烽連戍壘野哭聚沙
洲司馬能清野天吳漸穩流江淮非異土飄泊汝
何憂

淮陰雪夜

昨歲釣臺大風雪今來風雪又維舟枚皋里畔樹
不辨淮陰祠前冰亂流俛仰古今可太息側身天
地多煩憂苦聞渤海金笳動故國何因得散愁

蔣修撰述天台之遊

卷十二

十一

太史三茅隱朱顏薄世榮言尋沃洲路遙向赤霞
城語識寒山妙詩同太白清石梁橫地底今夜夢
經行

送吧瞻

隋堤攜手罷遙指甘泉山風物秋冬際清樽離別
顏王程趨渤海故里夢潼關三輔神京近思君霄
漢間

送徐存永歸閩攜家之湖南

舊家楓嶺外去住復何言海上田園失歸途雨雪
繁家移建溪水人聽楚山後未弔長沙傅知君已

斷魂

秦郵曲二首

孟湖蕭蕭風色秋神鴉競食嘯漁舟夜半湖心明
月上還疑神女弄珠遊
今年孟冬河水乾萬夫畚鍤聚河干行河使者黃
符下敢道無衣風雪寒

憶妙高臺寄崑崙子

憶送金山目東南梅雨開江山紛滿眼風日淨浮
杯遺像尋坡老披襟上古臺塔鈴晴獨語懷想思
悠哉

塔上一鈴獨自語明日風
波當漸渡坡金山詩也

寄竹林寺諸道人

瀟灑城南寺，亭亭千竹林。澗流殘雪積，春氣遠江陰。石壁牕中直，梅花臘後深。戴公山下路，扶病憶登臨。

葉訥菴自吳中寄予長歌兼示金山目 之

作醉後放歌奉答

昔者我登浮玉山，大江駭浪流潺湲。岷峨萬里有眼，底荆門郢樹浮杯間。彭城蘭陵一朝盡，令我既歎愁心顏。此時側望天北極，漁陽莽蕩連雄關。玉堂美人侍帝側，兩年不見飛鴻翼。海內憑誰論素

心。夢裏思君見顏色，蒼梧慘澹雲氣深。九疑繇邈瀟湘陰，重瞳南巡忽寂寞。園花陵草俱霑襟，聞道高陵變深谷。即看碧海飛黃塵，雲霄侍從幾人在。飛蓬落葉愁春心，夫子盛年何婉孌。日夕含香玉皇殿，衆中獻賦欲凌雲。御前騎馬如飛電，即今蕉萃百不如。落拓江湖復相見，吁嗟哉！人生遇合亦偶然。雄飛雌伏皆可憐，不見東方曼倩號大隱。金門據地歌向天，又不見開元天子盛文藻。隴西王孫稱謫仙，調羹未罷夜郎謫。至今青山采石垂千年，君家況近崐山麓。二陸臺邊結茅屋，放鶴朝從

西鹿歸采蓴夜向南湖宿感遇終懷國士恩憂時
莫效長沙哭三山圖畫一江分何日題詩共夕曛
妙高臺上江如練南望姑蘇是白雲

帶經堂集卷十二

帶經堂集卷十三

歙門人程晉校編

新城王士正貽上

漁洋詩十三

壬寅稿

雜題蕭尺木畫冊六首

旛影依佈選佛場白雲深處劇清涼迢迢澗水空
花出寂寂寒山貝葉香

山城水郭蒼茫裏曲棧疎林遠近中太息歐湖老
詩史直將勁筆壓關雎

簞簟沿溪踏亂流秋深蘆荻風颼颼若得五湖三
畝宅便須隨汝釣槎頭

二六六
漁洋言卷十三
平生酒態嵇中散目送飛鴻坐竹林閒向梅花彈
一曲落花亂點碧流深

松有萬古色瀑如三峽流何人白雲裏濯足對清
秋

七里瀧前江水迴圖中風物使人哀如聞擊石歌

朱鳥慟哭嚴陵舊釣臺

謝皋羽
西臺圖

題棧道飛雪圖送曾道扶之漢中

西指褒斜路淒然送遠心千峰盤雪棧數騎出雲
林蜀道連天起秦關入望深今宵畫圖裏如聽暝
猿吟

二月五日淮陰作

二月五日春已半淮南風物劇駸駸麥苗亂茁垂
楊岸蝴蝶交飛花樹林白羽徵兵吳會遠黃巾掠
地海堧深何時戍罷狼烟淨擊壤常從田父吟

環溪觀玉蘭同朱秋厓陳冰壑

淮南二月好天氣八寶城中春鳥鳴溪閣客來尋
舊約辛夷花發值新晴迴風雪霰當杯落遲日雲
霞拂檻生杏葉柳枝俱髣髴驚心袂裊逼清明

送茗文之京二首

淼淼江湖春水生淮南風景過清明故人恰向愁

中至感激真從難後平竹外寒煙瓜步鎮花時細

雨廣陵城謝公埭下通宵語酒冷香殘十載情

潦倒徒成未拂衣疎狂真與世相違南徐載鶴橫

江去西磧看花壓帽歸此去故人京雒少莫教遠

道尺書稀嶺南程五如相問為道維摩減帶圍載鶴

探梅皆子與茗文近事
程五謂周量會元也

與茗文同舟至露筋祠下予之淮陰却送茗

文暫返揚州

參橫月落露筋祠午夜單衣共賦詩君反南行予

向北異時客足相思

絕句

波遶雷塘一帶流至今水調怨揚州年來慣聽吳

娘曲暮雨蕭蕭水閣頭

寄陳伯璣金陵二首

左司寂寞襄陽遠陶謝千秋不可追江表羈人驚

坐客風流重見五言詩

東風作意吹楊柳綠到蕪城第幾橋欲折一枝寄

相憶隔江殘笛雨蕭蕭

贈蔣修撰

盧橘已垂實楊梅初滿林仙人一相訪樽酒話同

心天台煙霧遠華陽邱壑深平生山水意茲夕寄
瑶琴

送周量歸南海

終古傷心地蕪城落日時西風正蕭瑟歸客欲何
之獨折隋宮柳同吟謝朓詩珠江連貢水天末好
相思

紅橋絕句二首

舟入紅橋路垂楊面面風銷魂一曲水終古傷隋
宮

水榭迎新秋素舸自孤往漠漠柳絲飛時時落波

上

閔園曉起作

江城曉日上林壑如初沐庭戶闐無人茗香睡方
足荷氣吹枕簟禽聲媚幽獨鳧鷖破溪白莓苔覆
山綠淡坐欲忘言清風灑修竹

秋日題閔園水亭

南人習煙水結屋如舫居真州水木多城市通樵
漁一溪納三江潮汐相盈虛茆亭碧谿上浦澹臨
前除曉風斷蒲響夜露幽花舒孤雲散天末好鳥
鳴午餘緬懷華林歎持此謝簪裾

真州絕句六首

揚州西去是真州河水青青江水流斜日估帆相
次泊笛聲遙起暮江樓

白沙江頭春日時江花江草望參差行人記得曾
遊地長板橋南舊酒旗

曉上江樓最上層去帆婀娜意難勝白沙亭下潮
千尺直送離心到秣陵

江干多是釣人居柳陌菱塘一帶疎好是目斜風
定後半江紅樹賣鱸魚

江鄉春事最堪憐寒食清明欲禁煙殘日曉山

掌路何人為弔柳屯田

柳屯田在城西人掌

十三嬌女髮初齊解事春來夢大堤嫁與襄陽
人子牕中學唱蹋銅蹄

招鶴行

淮南七月秋水時橫空何處凌霄姿離離烟嶠不
可見江雲坐對空相思竹亭搖落鶴柴晚忍聽故
侶鳴聲悲主人與爾義非淺緱山明月常追隨蕪
城官閣無所有老梅修竹交橫枝六鶴迎秋警寒
露昂然人立何參差有時援琴舞三疊落花寂寂
吹涼颺臞骨自知違世用蓬萊方丈恆相期尉羅

二五十四
漁洋詩卷十三
五
徧地畏彈射嗟爾此去將安之
駕鵝驚鷓滿陂澤
此曹與爾多然疑鶴兮歸來歲將暮
白石蒼苔待高步

新秋揚子橋舟中

秋聲渡揚子一雨涼颼發秣陵
暮潮歸瓜步殘鐘歇無事悲客心
曠如久離別橫笛起宵闌孤篷見
微月

奉和李侍郎讀水經注懷洞庭之作

楚望經時入宵冥岳陽樓上數峰青
曾臨南極浮湘水坐對西風憶洞庭
斑竹好從春後長落梅猶向笛中聽
新詩吟罷愁多少腸斷當年帝子靈

憶真州舊游有感

夢裏白沙洲茫茫始欲愁佳期不可見
風雨上西樓

九日平山堂二首

昔曾游處景依稀第五泉邊舊路微
日暮江城聞玉笛便無離恨已霑衣

九日登臨帝子家夕陽人影玉勾斜
尊前莫話南朝事幾樹垂楊有暮鴉

題伯璣姬人小像五首

水晶簾下曉粧餘明鏡香奩映讀書不是琴心感
消渴茂陵誰識病相如

廣陵秋色秣陵春江上青山畫裏人間却銀箏理
禪板可知人月是前身

自在烏龍卧錦茵一枝桃竹淨無塵而今始信陳
王賦曾向楊林邁洛神

黛螺幾斛藥奩隨浮渲新妝淺淡宜記得藁砧詩

句好晚晴山色斂眉時

末七字伯璣
寄內語也

憐才真復可憐生紅燭當筵與目成最是後堂

靜後垂簾小吾記卿卿

張友鴻歸自雲南在京口寄予画卷自題詩

云別一山川氣候更迢迢萬里不勝情歸

來蕭瑟餘詩卷畫得煙霞記遠行覽之愴

然答以是詩

江南草綠蝴蝶飛遊子新自滇南歸滇南遙遙一

萬里遊子思歸夢江水前年送君廣陵城桃花落
盡春潮生去年憶君在京口西津渡外千楊柳桃
花柳花又一時吾徒踪跡仍天涯何時共酌秦郵
酒却話昆明畫裏詩

吳公臺懷古

大業那堪問長城怨有餘回頭成一笑三十六封
書

長至後五日送家兄子側歸里

淮南凍雪一千里客子胡爲今日行吳楚漸傳春
氣至金焦雙照大江明池塘春草愁中夢隴首秋
雲馬上生欲別并州幾回首親闈今在廣陵城

渡江泊京口閘下

京口煙波路茫茫集百端斜陽半江暝殘雪五州
寒水向東吳去山從北固看候潮愁不寐轉覺夜
漫漫

京口懷家兄子側

丁卯橋邊夜泊時估船燈火酒家旗下不堪回首瓜
洲笛江北江南繫所思

金山僧舍有以仿舫名者題一絕句

叢篁片石冷于秋檻外寒江深不流漁笛一聲天

際起不知是舫是僧樓

將抵毗陵寄雲孫訐士文友

初罷丹陽酒天寒旅思驚
暗潮黃歇浦殘雪呂蒙
城水驛煙中飯山橋樹杪行
作書報諸子傾倒極
平生

青暘道中四首

畫舫煙中樹青山水上樓
澄江風物好殘臘只如
秋

黛色橫天際蒼蒼秦望山東
巡殊不返流恨此山
間

修竹被晴川淪漣映空曲
日夕雪初消人家在寒
綠

門對青暘橋家近芙蓉湖
與郎相憐惜為郎歌拔
蒲

江陰何明府邀登君山二首

澄江山作郭郭外即江流
共說君山秀蒼蒼江上
浮微茫天水合蕭颯亂帆
秋不見春申墓松聲迴
暮愁

楚相何年邑淒涼此獨經
棘門成宿草浮遠祇空
亭上有亭名浮遠半壁收吳楚
空江入杳冥却思洞庭上一

十二峰青

鄧簡討招飲梅園

暨陽城外路倚櫂數寒鴉何處吹橫笛江南雪後
槎故人碧山隱招我問梅花更上花間閣香山數

點斜

數前上聲
後去聲

梁溪西路曉發

梁溪五湖口曉望亦悠哉翠嶂九峰合明流一鏡
開潮連申浦去帆映錫山來好趁樵風便輕舟任
溯洄

高橋曉望惠山却寄修遠留仙心甫流綺

清鹽披衣起開簾見九峰十煙深微辨樹潮落緩聞
鐘秦塢望中近高流何處逢無能品泉水與爾跌
長松

舟中望惠山口號

芙蓉江上迴飄鼓漁具蓑衣一夜還買得蜻蛉小
如葉推篷看煞九龍山

毗陵道中寄珍示我建

歲晏江南客棲遲歎敝裘青山吳苑路紅樹晉陵
舟幾處霜前雁誰家水上樓尺書知未達遙夜夢
蘇州

同楊西印副使蔡韶若秀才夜登觀音山眺
曲阿後湖放歌

我昨南渡登金焦鯨魚跋浪生風濤更上君山俯
震澤長江萬里窮秋毫五日探奇興不盡曲阿城
畔來登高觀音山高高百丈星辰羅列捫層霄懸
崖絕磴挂猿臂崇巒疊嶂森松毛山巔作亭瞰飛
鳥湖光山色相週遭練湖一萬六千頃勢與江海
爭迢遙淵注渟著古所歎滄桑磨滅非前朝風景
不異謝郎死我來憑眺凌寒宵長嘯空山答山鬼
驚飛鷗鷺求其曹滄波混茫接元氣有如盂水淳

堂坳馮夷擊鼓百靈集金支翠羽九飄揚
黑風怒號萬弩突射錢塘潮蛟龍鼉屭時隱現靈
胥慘澹天吳驕高麗長山互鉤帶六州一氣迴斗
杓楊公蘄黃昔開府坐清江漢真人豪蔡生白哲
美無度頗能飲酒歌離騷東吳菰蘆有君輩力鞭
巨石驅神鼇練塘一勺好栖託結鄰未卜心空勞
酒闌歌罷意惆悵煙江明日橫輕舸

潤州曉渡用皇甫冉萬歲樓韻却寄蔡芬
練湖分艇悵何依北渡迴看雲樹微白下西來潮
正落丹陽南去雁還飛笛殘遠步新愁集酒醒江

三〇六十二
漁洋詩卷十三
關旅夢稀鐵甕城邊重懷古當年萬馬蹴重圍

白沙江上同訂士珍示不雕送別公戡

前年別燕市聞君欲往蘇門山今年渡京口逢君
乃在金焦間吾曹踪跡定難測世上無人解胸臆
為郎三月忽自罷著書萬卷誰能識君家林園清
潁東眼中萬頃琉璃風譙南汜水一片地讀書射
獵兼春冬白沙江頭北風作層冰如山雪初落吳
歌楚舞且盡歡酒酣更上江深閣

別公戡後却寄二首

二年一相見相見還成別今夕滁陽人應夢戀江

雪

江天一夜雪不辨孤村路時聞斷雁聲遙向江南
去

作家書後戲題紙尾寄吏部西樵給事北山

兩兄

松菊廬荒徑未鉏雲霄地遠夢全疎橙黃橘綠好
時節且向江南噉鰕魚

題趙澄畫

以下十二首為樂園司農題冊

煙柳南朝寺風花建業城年年春盡日玉竹曾喚愁生

鑿江舟中雪霽月出即事題鄒喆畫

拂曉春寒重揚帆急霰侵月明生水際積雪滿空林岸火推篷近漁菴閉戶深平生剡溪興茲夕是山陰

陳洪綬梅

鄧尉山中千萬樹老蓮華

江夜夢到銅坑雪霽日

葛一龍枇杷

洞庭詩人葛震父畫成盧橘亦清蒼想他縹緲峰頭坐快寫西林五月黃

葉欣畫

雞犬桑麻如上世山青水碧自成村桃花萬點春三月時有東風為掃門

亾名氏畫

蘆花蕭蕭山氣陰橫笛吹作蒼龍吟一聲入破鐵皆裂舉世無人知我心

項聖謨雪景

西湖上日鶯花好特寫荒寒一片山知有何人耽
寂寞雲林煙雪有無間

暉香山千巖競秀圖

萬壑千巖雲霧生曹娥江外幾峰晴分明乞與樵
風便身向山陰道上行

馬士英畫

秦淮往事已如斯斷素流傳自阿誰比似南朝諸
狎客何如江令擘箋時

葉榮木離宮秋曉

翠華寂寥罷宸遊苑樹聲淒碧水流一片敗荷千
點葉靈波宮外不勝秋

楊補畫

布衣曾說楊無補筆墨風流自一時留得永嘉遺
蹟在殘山剩水也堪思

寒林獨釣圖

江湖敲枕夢風雪折竹斲橋人不行簞箬在船蓑
在背漁洋山下足吾生

帶經堂集卷十三

帶經堂集卷十四

新城王士正貽上

漁洋詩十四

癸卯稿

送葉子吉編修入都二首

憔悴江潭客

先皇侍從臣宮車一朝出三別帝城春自灑蒼梧
淚行歌楚澤濱重來清切地憶奉屬車塵

論文三載事回首若流波吳會故人遠楚江風浪
多垂楊拂征蓋宮樹待鳴珂後夜遙相憶悠悠關

復河

送家兄禮吉歸濟南兼寄子側

謝公堤外夕陽樓樓下關河急暮流江浦碧雲孤
鴈遠淮南水驛數蟬秋對牀雨夜還如昨罷酒人

稀始欲愁阿大中郎會相憶竹西風露夢揚州

又絕句二首

龍山晴雪馬蹄長山翠湖雲罨画香好到旗亭寒
貰酒雙鬟低按小秦王

錦秋湖邊稻花涼錦秋亭下鱸魚香垂虹秋色一
千里秋到吳淞思故鄉

七夕後一日舟中作

昨夜銀河吹玉笙玩珠亭上月微明人逢七夕思
千里雁去三湘第一聲蓮葉香殘過甍社竹枝歌
斲望蕪城西風斜日鄰鄰水楚塞新秋倍愴情

喜聞家兄子側捷報

小日東堂和輞川打牕松雪故依然封湖過未知
名久愧著先鞭十二年

正以順治辛卯舉鄉薦至
今康熙癸卯十二年矣

九日與方爾止黃心甫鄒訐士盛珍示集平

山堂醉歌送方黃二子赴青州謁周司農

西風蕭蕭天雨霜秋高木落當重陽鷓鴣先鳴蕙
芳歇鴈門鴻雁來何方今我不樂出行邁西城近
對平山堂歐公風流已黃土舊遊寂寞風煙蒼喬
木修竹無復在荒蕪斷隴棲牛羊劉原蘇到日已
陳蹟况復清淺論

高枕鐵甕瓦蕭公旌旂何飛揚雲龍北而云茫茫
城戲馬啓高宴至今邊朔傳名章孤蓬驚沙振業
薄哀螢蔓草纏雷塘從來王霸已如此牛山何必
霑衣裳與君並坐但鼓瑟醉倒聊復呼葛疆樽前
聚散况難必羽聲變徵何激昂明朝送汝望諸澤
欲趁桓公作急裝

如皋訪邵潛夫寄廬有贈

萬歷年中古逸民滄桑閱盡白頭新張蒼已老口
無齒杜甫還驚筆有神偕隱鹿門空往事五男粟
里只單身行歌帶索吟三樂好與榮期共卜鄰

無部

三〇四十三
妻子年八

十有三矣

戲倣元遺山論詩絕句三十六首

附猶子
浣注

巾角彈碁妙五官搔頭傅粉對邯鄲風流濁世佳
公子復有才名壓建安

五字清晨登隴首羌無故實使人思定知妙不關
文字已是千秋幼婦辭

青蓮才筆九州橫六代淫哇總廢聲白紵青山魂
魄在一生低首謝宣城

挂席名山都未逢潯陽喜見香爐峰高情合受維
摩詰浣筆為圖寫孟公

右丞愛襄陽挂席幾千里名山
都未逢之句因為寫吟詩圖

杜家箋傳太紛拏虞趙諸賢盡守株苦為南華木
向郭前惟山谷後錢虛

漫郎生及開元日與世聲牙古性情誰嗣篋中冰
雪句谷音一卷獨錚錚

谷音杜清碧撰
宋末逸民之作

風懷澄澹推韋柳佳處多從五字求解識無聲絃
指妙柳州那得並蘇州

中興高步屬錢郎拈得維摩一瓣香不解雌黃高
仲武長城何意貶文房

草堂樂府擅驚奇杜老哀時託興微元白張王皆
古意不曾辛苦學妃稀

京兆風情粉黛叢鬢絲晚惜落花風湖州箋記揚
州夢綺語翻教詆白公

廣大居然太傅宜沙中金屑苦難披詩名流播雞

林遠獨媿文章替左司豈有文章替左司白
公刺蘇州時詩也

獺祭曾驚博奧殫一篇錦瑟解人難千年毛鄭功

臣在猶有彌天釋道安琴川釋道
源字石林

涪翁掉臂自清新未許傳衣躡後塵却笑兒孫媚

初祖強將配饗杜陵人山谷詩得未曾有宋人強以擬杜
反來後世彈射要皆非文節知己

詩人一字苦冥搜論古應從象罔求不是臨川王

介甫誰知暝色赴春愁唐人晚渡伊水詩首句或作暝色
春愁王云若作知誰不能道邪

苦學昌黎未賞音偶九公心生自管廬

山作才盡禪房花木深歐公欲傲常尉破山寺作一聯而
不能坡云公厭芻豢反思螺蛤耶

林際春申語太顛園林半樹景幽偏豫章孤詣誰

能解不是曉人休浪傳山谷謂氣蒸雲夢澤波撼岳陽城不
如雲中下蔡邑林際春申君疎影橫

斜水清淺暗香浮動月黃昏不如雪
後園林才半樹水邊籬落忽橫枝也

鐵厓樂府氣淋漓淵穎歌行格儘奇耳食紛紛說

開寶幾人眼見宋元詩

李杜光芒萬丈長昌黎石鼓氣堂堂吳萊蘇軾登

廊廡緩步崆峒獨擅場

藐姑神人何大復致兼南雅更王風論交獨直江

西嶽不獨文場角兩雄

三代而還盡好名文人從古善相輕君看少谷山

人死獨有平生王子衡海內談詩王子衡春風坐徧魯諸生鄭繼之詩也二公初不相識鄭死王

見此詩數千里入闕經紀其卷

正德何如天寶年寇侵三輔血成川鄭公變雅非

關杜聽直應須辨古賢昔人論鄭善夫詩以為時非天寶位靡拾遺譏其無病而呻故駁之

接跡風人明月篇何郎妙悟本從天王楊盧駱當
吟體莫逐刀圭誤後賢

翩翩安定四瓊枝司直司勳絕妙詞底事濟南高

月旦僅存水部數篇詩安定謂皇甫兄弟滄溟撰詩刪入選者子約一人耳

中州何李並登壇宏治文風競比肩詎識蘇門高

吏部嘯臺鸞鳳獨迢然

文章烟月語原卑一見空同迴自奇天馬行空脫

羈勒更憐譚藝是吾師鸚鵡五集所謂名句如文章江左家山別墅曰玉鹿玄邱即鄒氏愚公谷

者卑

詩好官卑碩九華梁鴻溪畔弔殘霞鍾磬去後殷

璠死玉鹿風流自一家碩起綸號九華山人撰國雅所居惠山別墅曰玉鹿玄邱即鄒氏愚公谷

濟南文獻百年稀白雪樓空宿草菲未及尚書有

邊習猶傳林雨忽霑衣

邊司徒華泉先生仲子有詩一卷佳句云野風吹落帽林雨忽霑衣又云

薄暑不成雨夕陽開晚晴

楓落吳江妙入神思君流水是天真何因點竄澄江練笑殺談詩謝茂秦

來禽夫子本神清香茗才華未讓兄徐庾文章建安作悔教書法掩詩名

香茗賦鮑令暉作以擬馮邢卿慈淨

海雪畸人死抱琴朱絃疏越有遺音九疑淚竹娥

皇廟字字離騷屈宋心

鄭露南海人抱琴而死集名海雪詩多在瀟湘洞庭之間

澹雲微雨小姑祠菊秀蘭衰八月時記得朝鮮使

注語果然東國解聲詩明崇禎中朝鮮

溪水碧于前渡日柳花紅是去年
人會只有崔郎七字詩

曾聽巴渝里社詞三閭哀怨此中遺詩情合在空舫峽冷鴈哀猿和竹枝

九歲詩名銅雀臺三年留滯楚江隈不如解唱黃麈者新自王戎墓下來

白沙江上別家兄西樵赴金陵四首

相送方山頭躊躇罷歡宴回首十年中與君幾相見風葉梁王園烟波揚子縣同此後夕心楓林暝遙岸

二五七五
少小為兄弟與君同一身泛泛萍梗合何殊行路
人西風鴻雁影欲下楚江津忽復與君遠傷心難
具陳

相逢纔一夕揮手復千里隋苑已銷魂誰堪別離
此征人眼中淚流作建康水江水日東流離恨何
時已

君從板渚來官河幾衰柳十月遵隋堤寒條垂馬
首折此千萬絲勸君一杯酒赤岸帆開時秣陵人
去後

再別家兄二首

雪後西津返照開憶君曾上妙高臺天涯那得分
攜少同聽金山粥鼓來

嵩陽舊約十年情蹤跡如蓬各自驚今日楚江風
雨裏只如飄泊在彭城

登金陵

庾家墓上獨澆酒江令宅邊同看花何處秋風正
愁絕空江潮滿日西斜

登文游臺放歌

玻璃江上謫仙人東來萬里辭峨岷熙寧元豐不
得意翩然戲弄淮南春龍圖學士忤權要祥符宰

相餘王孫黃樓一賦軼屈宋無雙國士推導秦四
 公相逢向淮海酒酣耳熱氣益振珠湖三十六陂
 澤高臺下瞰何嶙峋錦繡詩篇照天地與臺光景
 常鮮新雲煙過眼一飛鳥黃河曲注江東奔人民
 城郭半遷改此臺屹立當湖濱惠州儋耳垂萬死
 後生望古傷吟魂何人請籍元祐黨至今泚頽慚
 安民豈知此臺好名字永絕狐鼠芟荆榛我來游
 眺歲幾度溪毛明信古所敦遠帆如鳥樹如薺湖
 光雲霧相摩吞嚴冬沆瀣但一氣大雪片片鋪龍
 鱗醉公一語公莫嗔作法一笑君忘未即坡公願

紀異行

景泰年中五月雪竹木摧枯麥苗竭如聞雙鶴語
 堯年父老流傳尚能說前年辛丑夏雨霜真州災
 告連丹陽壬寅七月海東嘯崇川化作鼉鼉鄉今
 年雨雹殺禾稼雉皋民徙龍為殃有龍見如皋境內
 挾巨艦飛空中冬
 十一月大雷電百蟲奮蟄難閉藏天心仁愛有深
 意洪範何嘗諱災異江淮連歲困租庸請備他年
 五行志

寄猶子浣

大令幼能方文字聲名早與右軍爭吾家子弟誰

矜咳千里時時念淨名浣小字

過汜光湖懷古

嗚呼正德中壁豎墮皇綱華容既遐謫劉謝咸高
翺談笑誅刑餘臺閣資文襄逆濠睨神器弄兵下
鄱陽勢異北平順跡同吳淠狂桓桓文成公將帥
皆龍驤義旗出章貢狡童旋已亡如何萬乘尊南
巡來建康羅綺照江水姝麗傾淮揚誰賡白雲謠
載詠黃竹章茲湖兩駐蹕名因翠華長龍舸與鳳
艚樂哉方未央膠舟古所戒遺恨憐昭王事往二
百年寒波但菰蔣月暗津鼓急楓落漁燈涼緬懷

豫且歎弔古重悲傷至今秦陵樹松柏無斧斨

舟夜有感

移舟葭菼邊風水夜蕭然津鼓安宜市漁歌太府
船長淮三歲路小雪欲寒天魚稻珠湖好何時乞
數椽

送家兄太液赴宛陵

千里青山謝朓樓雙溪水色鏡中遊送客廣陵西
向笑欲投箋記乞宣州

夜遇伯璣即別

聞君返西江崎嶇歲將暮不知秋浦歸復此吳陵

遇煙暝失漁村雪消數江樹怡悵聞荒雞別君立
前渡

夢與唐祖命遊黃山

昨宵山中駕咫尺窮黃海夢裏軒轅臺迢迢復何
在

至日懷申鳧盟兼寄張覆輿

晚雪融長至春風到廣羊有書來遠道知汝卧清
漳久客諳吳語行歌憶楚狂如聞巖壑裏慢世得
琴張

蘇門行寄公琰

劉生俠氣老不除腰間玉具纏身湖目送孤鴻
西省晝夢秋水思菰蒲掉頭一竿清潁尾琉璃萬
頃堆西湖憶昨聽爾御風操山泉決溜松風呼黃
鵠山頭一握手戴公往蹟今有無山中舊約息壤
在相看一笑言非疎舊在京師聽公賦彈御風操贈詩有與君更作他年約黃鵠山頭訪戴行之句十寅果相遇黃鵠山下此事甚奇濤頭如山五馬渡酒酣夜別黃公
壚平山堂上望汝潁恨無好句追歐蘇昔與汪琬
程則共槃礴看君寫作蘇門圖怪石槎枒樹蕭瑟
醉墨絕似雲林迂嘯臺鸞鳳儼在耳安知嵇阮非
吾徒聞君近散萬金盡便衣掃塔辭妻孥山中有

鄰德不孤蘇門先生今大儒夏峰村邊看秋瀑雲
中髣髴開精廬尋源采藥去不返空留鳥跡巖間
書廣陵西望連孟諸倘逢樵叟一相評山中服食
今何如

鑿江舟中與鄒大觀彭十題句有懷

紅葉秦谿路人歸屬暮秋春帆下胥浦子夜夢鹽
州佳句吳楓冷彭詩云霜信冷吳楓寒江楚塞愁鄒陽同憶汝

三歎軫離憂

歲杪真州南郭憶與家兄別于此

東風嫋嫋百尺帆珠金沙上春欲酣行人旌節返

天北至今離緒紫東南舊曾別處好風景遠山插
笏江拖藍行年三十重離別況復情同七不堪

太液兄家舊藏倪元鎮畫有題云蕭蕭風雨

麥秋寒把筆臨摹強自寬賴有□君相慰
藉松肪筍脯勸加餐此詩甚佳而雲林集
不載今年偶得松圓老人畫愛其風格不
減雲林因用其韻題于左方

輕螺如髻秀堪餐新柳微黃晚漲寬應有扁舟天
上座鯨魚吹雪一江寒

方山道中二首

沙尾千竿竹青江一葉船春潮來建業暮雪淨長
干箭筍初抽玉刀魚不計錢明朝沽酒去取醉冶
城邊

前山白雲外繚繞一江橫漁舍參差見風帆自在
行煙花憐故國湖海寄浮生洗盞船頭坐一聲沙
鳥鳴

瓜步晚望

西日低銜瓜步鎮亂鴉飛去石帆山支頤獨眺江
南岸龍虎銷沉悵等閒

讀范德機到官詩可使文人有愧辭用其語

戲題一絕

可使文人有愧辭韓歐坡老是吾師四年只飲邗
江水數卷圖書萬首詩

韓忠獻公歐蘇二
文忠公皆守揚州

帶經堂集卷十四

帶經堂集卷十五

翁門人程哲校編

新城王士正貽上

漁洋詩十五

甲辰稿

望雞籠山雪寄杜二

天半雞籠雪遙遙逸興偏春陰寒未散雲壑更相
鮮不辨谷中樹應添巖下泉因懷杜陵叟拾橡此
中眠

甓湖舟夜讀渭南詩集偶題長句

少陵不作昌黎死大峨仙人落儋耳渭南老子來
堂堂鬱律蛟龍蟠筆底半世功名梁益間拓弦橫

稍劔門關白頭鏡水江湖夢夜夜山南射虎還

秦郵雜詩八首

夾岸人家短竹籬鴨頭新綠雨如絲幾年寒食秦
郵路拂面楊花被酒時

國士無雙秦少游堂堂坡老醉黃州高臺幾廢文

章在果是江湖萬古流

時子方修文游臺成

露筋祠前水拍村平湖水暖生蘭蓀靈風斜日畫

旗卷時有神鴉歸廟門

濤聲東走海陵倉蛾子紛紛割據場三百年來陵

谷變居人猶是說張王

張士誠元末據此

百年樂府說西樓更有南湖擅此州淮海以來二

三子不教鄴杜獨風流

西樓王粲南湖張縱皆郵人

三十六湖如玦環青蘋風起白銀灣紅橋四百姑

蘇郡徑合移來著此間

前溪柳色碧沉沉醉寫新詞付阿音法曲淒涼鬢

絲改畫衣何處舊泥金

小桃初紅柳垂陰甓社湖中花水深鷓頭十五竹

枝曲不聽歌聲何處尋

茅山進香曲四首

揚俗舟人歲以三月進香茅山戲為作進香曲

家住茱萸灣復灣年年三月上茅山白沙江邊吹

笛去赤山湖上賽神還

遙指三峰次第青五雲深處擁雲軒
猿啼日暮神

靈雨知是茅君欲現形

雷平峰前雲氣開池中隱約起風雷
何人戲取華

陽劍真割乖龍左耳來

江淮兒女愛孤篷水宿烟餐西復東
但祝茅君賜

安穩年年不怕石尤風

冶春絕句二十首

同林茂之前輩杜于皇孫豹人張祖望程穆倩孫無言許力臣師六修櫻紅稿

酒間賦
冶春詩

今年東風太狡獪弄晴作雨遣春來
江梅一夜落

紅雪便有夭桃無數開

野外桃花紅近人穠華簇簇照青春
一枝低亞墜

皇墓且可當杯酒入脣

紅橋飛跨水當中一字闌干九曲紅
日午畫船橋

下過衣香人影太怱怱

東家蝴蝶作團飛西家流鶯聲不稀
白苧新裁如

雪色潛來花下試春衣

揚州少年臂支紅桃花馬上柘枝弓
風前雉雉雕

翎響走馬春郊如卷蓬

錦帆何日到天涯宮監來時事可嗟
幾處淒涼作

寒食酒痕狼籍玉勾斜

三月韶光畫不成尋春步履可憐生青蕪不見隋

宮殿一種垂楊萬古情

彛公三過平山下白髮門生感故知欲覓醉翁呼

不起碧虛樓閣草離離

東風花事到江城早有人家喚賣錫他日相思忘

不得平山堂下五清明

坐上同矜作達名留犁風動酒鱗生江南無限青

山好便與諸君荷鋤行

海棠一樹澹胭脂開時不讓錦城姿花前痛飲情

難盡歸臥屏山看折枝

筇杖方袍老謫仙威儀猶復見前賢蓬萊三度擣

塵後坐閱春光九十年謂林翁

當年鐵礮壓城開折戟沈沙長野苔梅花嶺畔青

青草閒送游人騎馬回

錢唐張須昇詩絕倫祖望雍州孫郎筆有神豹人雲間洛

下齊名士許力臣師六兄弟白嶽黃山兩逸民程穆情孫無言

杜陵老叟窮可憐猶能斗酒詩百篇今朝何處壚

頭臥知有人家送酒錢于皇有約不至

彭澤豪華久黃土梁溪歌舞散寒烟張御史達泉彭澤人鄒副使愚谷梁

谿人林翁酒間述少見二家聲伎豪侈之樂今俱衰歇矣

生前行樂猶如此何處看春不可憐

華林馬射事成塵遺老漂零折角巾

庚開府有三月三日華林馬射賦林翁案

華林園側故云袂襖洛濱名士盡却來江左看餘春

寂寥園林花覆苔停橈休遣櫂歌催桃蘇髻子新

梳掠三五池亭鬪草來

故國風流在眼前雒山寒食泰和年

元遺山濟南詩句邗溝

未似明湖好名士軒頭碧漲天

時祖望談吾郡山水之勝名士軒在明湖曾于園守郡時

所作

永和之歲暮春月王射風乞見此子記甲辰布

衣飲竹西亭子是蘭亭

陸放翁心太平菴硯歌為畢刺史賦

娼媚散花峽艱危道士磯放翁過此留清辭何年
片石墮瀟泐龍堂荒忽蟠蛟螭先生當年西入蜀
迎風十丈舉黃旗下牢夔門波浪惡白鹽赤甲天
下奇轉入興元瞰河渭山南射虎黃雲垂大散關
頭見烽火賦詩草檄如星馳此硯爾時伴戎幕賢
於十萬熊羆師鶯花海中九年住春江醉卷千玻
瓈錦官城裏蘋風閣百觴萬首爭淋漓此硯爾時
廁高讌飽霜千兔相追飛先生老矣竟東下鏡湖

支枕看風漪但餘此硯共幽獨猶能起賦從軍詩
紹興淳熙一片石流傳異代誰使之曾窮梁益掠
吳楚放翁金崖硯銘中語吾曹想像空嗟咨畢侯家近黉堂側
草生書帶紛葳蕤劍南一卷不離手興來春日吟
茅茨攜渠歸去坐懷古定有雲霞生墨池

送孫無言歸黃山四首

昨夢黃山碧溪月白雲三十六峰深朝來却送滄
洲逸興發還為吳會吟
未能采藥入青城且傍浮邱畢此生知君西渡松
明水已有羣仙抗手迎

硃砂湯口三千頃石筍凌空一萬株更問黃山奇
絕處天都瀑布勝匡廬

廣陵市上賈人子袞袞錢刀劇可憐怪爾山中紫
芝客閉門高枕夢游仙

春杪登平山堂眺江南山

鱖魚出水浪花圓北固樓前四月天却憶戴顓山
戶裏櫻桃風急打琴絃

送彭十駿孫游嶺南二首

白舫青簾好賦詩石羊關外極天涯一江新綠看
榕葉七月輕紅擘荔支霸業銷沉餘舊壘戰場蕭

颯拂殘碑投詩莫弔降王長試向高涼酌洗祠
南方草木狀難陳為待彭郎賦筆新紫棧熟時蠻
峒喜紅蕉花後穗城春晴江孔雀驕憐尾嶺樹楓
香老化人若聽鷓鴣行不得越王臺上定霑巾

再送彭十二首

大姑彎彎眉黛長小姑窈窕宮亭粧三日潯陽風
信到雙姑早晚嫁彭郎
萬里南荒弔尉佗芭蕉林裏越禽多好將延露新
翻曲乞與珠娘蹋臂歌

廣霞山人御風圖

小言心作

我聞廣霞山迢迢凌玉清木末力口之所出上真
五老司晦明山人何人乃居此手排閭闔誅上征
蜺旌雲旗導先後豐隆列缺相逢迎天風逢逢起
北海玉清之山竟何在山人偃蹇凌九霞笑指滄
桑幾千載崑崙奴子頭虎毛捷如鷲鳥奔生孫眼
中咫尺窮碧落六博方罫同遊遨朝晞樽桑暮南
巢萬年遊戲同松喬山人本自松喬匹畫師亦自
長康筆何時林屋探金庭與汝逍遙散愁疾

真州作二首

鱖魚風送滿城郭鶯啄含桃紅玉圓苦筍莢芽相

映白一杯坐愛夕陽天
曾道元暉繼阿章楚山入畫遠蒼蒼白沙江上分
明見不少鵝溪萬丈長

古意

思婦盤中織錦文關山蕩子學從軍兩行銀雁低
殘角萬里金河卷塞雲上計應憐秦氏掾元戎不
羨竇家勳石州水調涼州曲夜夜空閨笛裏聞

真州有懷家兄西樵

依然山郭與江樓長夏蕭條只似秋十里香生芰
荷水亂蟬聲送木蘭舟試尋戰壘連京口無數雲
山指石頭曾與坡公吟賞地對牀風雨戀真州

秦淮泛月宿青溪有寄三首

移船就明月鼓檝泝淮流明月雲中出流光水上
浮三更吹玉笛銀漢瀉涼秋長板橋頭柳誰家尚
倚樓

江南秋月好況復青溪曲素月展金波溪光漱寒
玉所思渺何許今夜宿華林莫問離人思清淮深
復深

一宿青溪柵還悲張麗華黑頭江令宅亦作段侯
家壘號韓擒虎商歌玉樹花都將東郭筆寫恨寄

天涯

故中山西園

上公邸第舊西園水石蕭然絕世喧無復秋蘭被
長坂祇餘修竹映朱門蕭曹事業終歸盡江孔文
章莫更論日暮風煙愁客思冶城南是謝公墩

臺城懷古二首

覆舟山畔古臺城故壘參差觸目驚蔓草縈烟野
蕭瑟寒禽將子水縱橫紫雲黃鵠符終驗白馬青
絲識又成千載華林宮館路清明時節野棠生
傳檄風生南雍州蕭郎一十過九諸侯蘭陵家國偏

多故荆楚干戈且未休遺老空聞龍瀆語荒原都
作雉媒秋可憐代景行師日水到青塘咽不流

登雞鳴寺

雞籠山上雞鳴寺緡宇凌霞鳥路長古埭尚傳齊
武帝風流空憶竟陵王白門柳色殘秋雨玄武湖
波澹夕陽下界銷沉陵谷異楓林十丈晚蒼蒼

雞鳴寺眺後湖二首

禁地傳清切依依白下城恩波連太液別苑起昆
明湖亦號野水鳧鷗遠斜陽菡萏生不須搖落日陵
谷已含情

魚鳥華林路，渟泓復此湖。三秋人易怨，八代感何殊。
蕭寺寒聲急，鍾陵返照孤。塘蒲今已晚，憔悴庾肩吾。

山行至靈應觀憩烏龍潭上

斜陽下江渚，曠望石城頭。萬里長風至，憑高聞遠流。
雲中辨檣櫓，煙外識汀洲。坐俯澄潭色，還為永口留。

烏龍潭

杖策陵岑椒，空潭暫游目。四山積空翠，一水蕩寒瀲。
秋色澹楊柳，映波如膏沐。輕飈悴菡萏，散作迴塘綠。
潭南多隱居，茅茨帶水木。罌罍吹落花，蟪蛄網新竹。
雲景翳林園，鐘磬闕幽獨。平生畏城市，蓬藿思空谷。
儻遂一丘心，詎羨八州督。

題秦淮水榭

冰簟湖牀水上頭，起看纖月映淮流。三更入破誰家笛，
子夜聞歌何處樓。澹澹星河耿斜照，娟娟風露作新秋。
謝郎今夕思千里，獨對金波咏四愁。

卞公墓下作

松柏何蕭蕭，云是卞公墓。背踞冶城顛，前臨大桁路。
緬昔永嘉時，流人競南渡。舉國扇清言，作達相

矜慕惟公執鄙吝巖巖如峰距一朝荒僮來旌飛
 歷陽樹取節慚王公種薤笑諸庾堂堂下將軍授
 命青溪渡父子忠孝俱大節光國步快意温平南
 屨及雷池戍一戰翦長鯨鐘簴仍如故握爪識忠
 貞死綏表風素英爽載雲旗陟降神靈雨咫尺素
 司徒異代同金鑄

題靈谷廢寺

為愛蔣山山色好筍輿終日不逢人杖藜入寺花
 扶屐巖谷迎秋雨墊巾王舍城中荒草徧樂游原
 上野藥無人忘公衣履今覆在苑外悲風臥石麟

尋半山堂遺址

舒王歸臥後卜築蔣山邊騎驢衣埽塔來往定陵
 前空山無舊業敲澗但懷煙太息元豐事江城聞
 杜鵑

蕭思話彈琴石

宋代蕭常侍彈琴於此山清徽汎松石逸響碧雲
 間我欲尋遺跡風流不可攀惟餘遠江水朝夕送
 潺湲

宿長干寺

支公邀我宿清夜開南軒龕燈照維摩跣趺寂無

言下簾啓北牖山夕煙景昏中夜微風作涼雨灑
林園宿鳥稍驚起時聞嘉樹喧枕簟生夕涼鑪香
歇微温勞生疲津梁聊息應對煩

雨入高座寺

山雨滴清曉山僧門未開六朝高座寺千仞雨花
臺近壑流清梵長廊覆碧苔偶然問禪窟詎似鬪
場來

瓦官寺

江色斜陽下來過古瓦官勇如驃騎少

阮思曠戲何驃
騎卿勇邁終古

乃圖
作佛癡似虎頭難梵響流空寂松聲覆殿寒逍遙

能解否試問道林看

鳳凰臺

青蓮高詠處但有野桐林不見三山色空傷六代
心

六朝松石歌贈鄧簡討

壽陽太史好奇古邀我來觀六朝之松石不辭重
墊一角巾此生當著幾兩屐入門大叫走欲顛袍
笏淋漓狂太劇蟠根近連瓦官寺吹香正鄰虎頭
宅蒼皮黛色摩青銅老幹膠枝拓金戟蕭梢上摩
白日暗輪囷下瞰蒼煙積千年為鑿誰得見已有

脂香化靈珀石勢嶙峋不相讓元氣盤盤絕繩尺

蒼苔剝盡元祐字石有溫公題名劫火不受陳宮厄陳叔寶三品石終

南太華若在眼咫尺壺中苦崩迫誰遣史書宋星

隕將無神受秦鞭斥晦冥豈非鬼物庭風雨當防

巨靈擘王謝衣冠失江左齊梁人代成今昔建康

宮殿幾青燐此石此松閱朝夕一物亦荷皇天慈

懷古茫茫百憂集擊琴欲罷且高吟謾謾寒風灑

巾幘

答朱錫鬯過廣陵見懷之作時謁曹侍郎于

雲中

桃葉渡頭秋雨繁喜君書札到黃昏銀濤白馬來

胥口破帽疲驢出鴈門江左清華惟汝在文章流

別幾人存曹公橫槊懸相待共醉飛狐雪夜樽

金陵曉發

月落驃騎航潮生鎮西宅濛濛遠林樹煙景紛如

積烟際下漁舟樹杪帶行客何處金陵思秋江葦

花白

夜登觀音巖宏濟寺贈終南融道人

登臨建業暮鐘時楚客憑高一寄思森森寒潮孤

鳥去冥冥微雨數帆遲遠江人語驚山鬼方丈燈

卷十五

明叩導師借眼龐眉老尊宿空山雨雪是前期

泊朱家嘴

纔聞宏濟鐘忽見方山樹白浪何茫茫寒蘆自相
語旅客不成眠卧聽空江雨

帶經堂集卷十五

